



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Manvale Parochorvm, Sive Institvtones & Praxes Tum
Vitæ, tum Officij Pastoralis**

Musart, Charles

Monachii, 1654

III. Superstitiosis, & magicis artibus.

urn:nbn:de:hbz:466:1-41616

320 *Institutionum Pastoralium*
ad vagas libidines se prostituunt; ut vni seruant nomine pro ancillâ, pro concubinâ: inquire igitur diligenter, an eiusmodi lupæ tuum aule infestent: si attendas, facile deprehendes ex corporis habitu, ex impudentiâ, ex digitis luuenum, qui monstrant, *hæc est*: vestes supra modum opulentæ, & varii tum coloris, tum artis, frons effrons, oculi gyrouagi, genæ fucatæ, cervix, & pectus intacta, manus inquietæ, incessus aut fracti, aut præcipitati, halitus oris obscenitates eructat: has lupas arce procul à grege: modum scient Episcopus & Magistratus, censoria leges expellent.

NVM: III.

Artes Superstitionis & Magicae.

IN hoc pestilens malum naturæ nostræ corruptela, damnanda curiositas, & amor insanus conseruandæ aut sanitatis, aut propriarum rerum sponte propensio.

propensos, præcipites agit. Sunt verò non pauci, qui eas artes non modo in pagis, sed etiam in vrbibus, neque tantum clàm, sed etiam palàm profitentur: plures etiam sunt, qui didicerint, & edoceant. In hac superstitionum hominum colluuie sàpe deprehensi custodes ouium; qui vt lupos, aut morbos à pecore, vel hominibus arceant, vanis obseruationibus, herbis nonnunquam, aut Magicis rebus vtantur.

Eòdem ferè pertinent fabri quidam ferrarii, qui equis curandis superstitiones ritus, & verba nonnulla sacra usurpant: attendendum autem maximè aniculis, quæ schedulas, herbas, malas preces, morbis auertendis, aut pellendis, curandis vulneribus, ad partus felicitandos, ad euentus prosperos venditant, & verò emuntur. Iactantur etiam chartulæ altorum, vt vocant, nominum Dei, vocibus Hebraicis, cruculis impressis, nonnunquam Bullis Summorum Pontificum,

O^s

&

322 *Institutionum Pastoralium*
& indulgentiis ementitis : quibus ad.
de philtra amatoria , maleficia Sag.
rum, Carmina Magorum , sortilegia
diuinationes. His pestibus deprehen.
dendis , & extirpandis , vt res summi
est momenti , ita acre studium , & gra.
uem operam impendes , non tantum
priuatim ; sed etiam in id incubes
publicis concionibus , datâ , captâue
occasione , in quibus populo ostenderet
primò grauitatem huius flagitii ; cri.
men enim est lassæ Diuinæ Maiestatis
in primo gradu , quippe rebellio , &
defectio à Deo ad ipsius capitalem
inimicum , & iuratum humanæ salu.
tis hostem : secundò patefacies dæ.
monis nequitiam , fraudes , atque impo.
sturas , qui cùm sit pater mendacii ,
sæpe fallit , & illudit ; vt experientia
docuit in multis , qui cùm spem suam
in Magicis artibus posuissent , miseri.
mè reperti sunt periisse cum suis sche.
dis , & maleficiis ; quod dæmon vni.
cè spectat & expectat ; quòd si ali.
quando

quando speratus effectus sequitur, Deo in pœnam permittente, interim animæ pernicies creatur pro anima- lium, corporum, aut externorum le- ui & breui commodo, quæ maxima est insania. Rectius Vir quidam sapiens, cùm ad morbum lethalem pellendum diabolica ei remedia proponerentur; Malo, inquietabat, cum Deo mori sine tali medico, quàm sine Deo vi- uere medico diabolo.

Neque verò desunt artes medicæ, & naturales, quæ sine culpâ adhiberi possint; aut varia Christianæ pietatis remedia, reliquiæ Sanctorum, sacræ Imagines, Aqua benedicta, Agnus cereus, preces ab Ecclesiâ probatæ: quibus, quando ita visum fuerit Deo, qui solus vitæ & necis Dominus est, morbi depelli, & incolumentas cor- poribus, & rebus nostris im- petrari possit.

• 6 (†) 9 •

N 6

NVM: